

Aningaasaqarnermut Ataatsimiititaliap suliaq nr. 01.31.06/08-00322 pillugu ataasinngornermi ulloq 21. april 2008-mi aalajangiinera pillugu Naalakkersuisunut ilisimatitsineq.

(Naalakkersuisut ulloq 10. april 2008-mi ataatsimiinneranni imm. 2e)

Kontomi pingaarnermi 87.73.10-mi Umiarsualivinnut tunngasumi, aningaasaliissutinik ikilisitsinissaq

Naalakkersuisut **inassutigaaat**,

- kontomi pingaarnermi 87.73.10-mi Umiarsualivinnut tunngasumi, suliassamut nr. 017.24.109-mut, Alluitsumi tulattarfimmut nutaamut tunngasumut, aningaasaliissutit 3.850.000 koruuninik ikilineqassasut, aamma

- kontomi pingaarnermi 80.00.01-imi, Nuussinissanut sillimmatinut tunngasumi, aningaasaliissutit 3.850.000 koruuninik amerlineqassasut.

Aningaasaqarnermut Ataatsimiititaliap oqaaseqaatai

Alluitsumi lærlingit atorlugit iluarsaanissamik suliniut pillugu suliassat katillugit sisamat Aningaasaqarnermut Ataatsimiititaliap 2006-2007-imi suliarai. (Aningaasaqarnermut Ataatsimiititaliap suliai nr. 06-190, 06-204, 06-217 aamma 07-262). Aalajangiinermi kingullermi Alluitsumi tulattarfiliornissamut 3,85 mio. kr.-it ataatsimiititaliap akuersissutigai. Talittarfissaq taanna Alluitsumi suliniummut tamarmiusumut Namminersornerullutik Oqartussat tapeeqataassutissaasa annertunersaraat.

SIK-p suliniummit tunuarnera pissutigalugu tapiissuteqartussat sinnerisa suliniut taamaatiinnarpaat, tamatumalu kingorna taanna unitsinneqartutut isigineqartariaqarluni. Tamanna tunngavigalugu siusinnerusukkut aningaasaliissutigineqartut utertinneqarnissaat Naalakkersuisut Aningaasaqarnermut Ataatsimiititaliamut qinnutigaaat, tamannalu matumuunakkut akuersissutigineqarpoq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput**.

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua